


»» TE MANA MOTUHAKE O POROUMATĀ

HE ARATOHU MĀ TE KAI AKO



TAUMATA

3-5

TAU

6-9

NGĀ KŌRERO O ROTO

He Kupu Whakamārama	1
Mō te Rauemi nei	1
He Tirohanga ki Te Mana Motuhake o Poroumatā	1
Ko Ngāti Porou te iwi	1
Te Hononga ki Te Marautanga o Aotearoa	1
Te Hononga ki Te Takanga o te Wā – mā ngā Tau 1-8	2
He Ara Whakaako Whakamahere	2
Te Hanga o te Whakaako me te Akoranga	2
He Akoranga	3
Poroumatā rāua ko Whaene	3
Te Mana Wahine	4
Ngā Tama Toa	5
He Rauemi Tautoko	6

HE KUPU WHAKAMĀRAMA

MŌ TE RAUEMI NEI

Ko te take mō te rauemi nei he āwhina i te kaiako ki te āta kawē i ngā ākonga ki te wā o Poroumatā, he rangatira nō Ngāti Porou, mai i ngā pakiwaituhi o Te Mana Motuhake o Poroumatā.

He whakaaro mō te whakaako me te akoranga kei roto anō i te rauemi, hei tautoko i te kaiako ki te whakawhiti ki ngā kaupapa e ono o Te Takanga o te Wā; whakapapa, tūrangawaewae, mana motuhake, kaitiakitanga, whanaungatanga me te mātauranga.

HE TIROHANGA KI TE MANA MOTUHAKE O POROUMATĀ

E toru ngā pakiwaituhi o Te Mana Motuhake o Poroumatā mō te patunga o Poroumatā, te kimi utu a ngā uri mō tōna matenga, me te hāpainga anō o tōna mana. He fino kōrero ēnei ki roto o Ngāti Porou, nā te mate hoki o Poroumatā i pakaru te riri nui, i rarua te noho a te iwi.

Ko Ngāti Porou Te Iwi

Ko ngā kōrero mō Ngāti Porou kei ngā pūrākau, kei ngā waha kī, kei ngā tuhinga o-neherā.

Takoto noa i te akau o te tai rāwhiti, ka huri whakaroto ki ngā maunga, ko ngā papakāinga o te iwi Nāti me a rātau tini kōrero.

Nō te tipuna Porourangi te ingoa o te iwi o Ngāti Porou. He toa ana uri, ā, nā aua uri i wewehe ngā whenua o roto i te rohe. Ko Tūwhakairiora rāua ko Pākānui ngā rangatira nui, nā rāua i arataki i te kimi utu mō te patunga a Ngāti Ruanuku i a Poroumatā.

Ko Ngāti Ruanuku e noho ana ki Whareponga i kō atu i Ruatōrea. Rokohanga, mai i te raki ka whiua e Tūwhakairiora a Ruanuku, mai i te tonga ka whiua e Pākānui, tana iramutu, a Te Wahineiti, ā, ka ngaro iho a Ngāti Ruanuku. Nā ēnei tipuna e rua i tohu ngā whenua hei noho mā te iwi, e mau tonu ana i nāiane, otirā hei paihere anō hoki i te whenua ki ngā whakapapa o ngā uri a Porourangi.

TE HONONGA KI TE MARAUTANGA O AOTEAROA

Wāhanga Ako Matua

Tikanga ā-iwi

Whenu

Te Wāhi me te Taiao

Te Ao Hurihuri

Te Hononga ki ētahi atu Wāhanga Ako

Hono ai te rauemi nei ki te Tikanga ā-iwi, engari, arā noa ētahi hononga ki ngā wāhanga ako o te Marau:

- Te Reo Matatini
- Ngā Toi

Whāinga Matua

Ka whakamārama i ngā take me ngā huarahi e whakaatu ai te tangata i tōna hononga ki tētahi tino wāhi, ki tētahi tino taiao (T3)

Ka whakamārama i ngā huarahi e taea e te takitahi me te rōpū te urupare ki te panoni (T3)

Ka whakamārama i ngā whakaatatanga o te wāhi i ngā pāhekohekotanga o te tangata ki te taiao i ngā wā o mua (T4)

Ka whakamārama i ngā whaiwāhitanga me ngā mātātaki o te torotoro mō te tangata, te wāhi me te taiao (T4)

TE HONONGA KI TE TAKANGA O TE WĀ - NGĀ HĪTORI MĀORI

Te Takanga o te Wā – Hītori Māori: Aratohu mō Tau 1-8 he anga whakamahi i ngā kaupapa pērā i te whakapapa, tūrangawaewae, mana motuhake, kaitiakitanga, whanaungatanga me te mātauranga hei hono ki ngā hītori Māori, o te motu, o te rohe. I hangaia kia āhei ngā kaiako ki te whakauru i ngā hītori o te rohe ki ō rātau kaupapa ako. Kei te wāhanga akoranga, ka puta he pouaka i te taha o ngā mahi me te kaupapa e hāngai atu ana.

Whakapapa

Tipuna, Tūhonotanga, Tuakiri, Ahurea, Hapori, Tikanga, Mana Whenua

Kaitiakitanga

Te Wā, Horopaki, Tirohanga, Mātauranga, Tikanga, Kaitiakitanga

Mana Motuhake

Tūhonotanga, Tuakiri, Mana, Tautohetohe, Taupatupatu, Tuku Ihotanga, Tino Rangatiratanga

Tūrangawaewae

Tūhonotanga, Tuakiri, Ahurea, Hapori, Wāhi, Ukiuki

Whanaungatanga

Whānau, Hapū, Iwi, Whakapapa, Tipuna, Tūhonotanga, Hapori, Manaakitanga, Kotahitanga

Mātauranga

Tikanga, Kawa, Kōrero Tuku-Iho, Tukunga Mahi

HE ARA WHAKAAKO WHAKAMAHERE

TE HANGA O TE WHAKAAKO ME TE AKORANGA

He maha ngā ara whakawhiti mā te kaiako ki ngā kōrero mō Poroumatā. Kei te rauemi nei he ara māmā hei whāinga i mua i te mātaki i ngā kiriata me a muri i ngā kiriata, ā, hei rangahau hoki a te wā.

- Ngā pātai kakama me ngā mahi (hoatu ki ngā ākonga i mua i te mātakitanga i te ataata, ā, kia mutu, ka hoki mai anō ki te whakautu ki a rātou pātai, ā, ka uru ki ngā mahi):**
 - hei āwhina i te ākonga ki te tautuhi i ōna mōhio mō ngā kōrero me ngā kaupapa i puta i te kiriata;
 - hei hoatu i ngā pārongo āwhina ki te ākonga kia mārama a ia ki te horopaki me te tikanga o te kiriata;
 - hei āwhina i te ākonga ki te whakawhāiti i ōna akoranga, ā, ka tohua atu ētahi mea hei titiro, hei whakarongo, i a rātou e mātaki ana i te ataata.
- Ngā pātai hihiko me ngā mahi (hei titiro, ā, ka mahi a muri i te tirohanga a ngā ākonga i te ataata.)**
 - Hei titiro mehemea kua mau, ā, kua mārama ngā kōrero i te mutunga o te kiriata.
- Mahi rangahau (hei hoatu ki te ākonga ka mutu te ataata kotahi/ te katoa rānei.)**
 - Hei āwhina i te ākonga ki te mahi i āna rangahau hei whakapakari i ōna mōhiotanga mō te kaupapa.

KIRIATA 1 – POROUMATĀ RĀUA KO WHĀENE

Tirohanga Whānui

Poroumatā rāua ko Whāene koinei te hononga o Poroumatā me Whāene, te patunga a Ruānuku i a Poroumatā me ana tama, te whātinga o te whānau a Poroumatā me te whakatārewa i te mana whenua o Porourangi.

Kaupapa matua: Ko te mana motuhake, tūrangawaewae me te whakapapa.

Kia rite. He pātai, he mahi whakarite

Kei raro nei ētahi pātai, ētahi mahi hei whakarite i te ākonga i mua i te whakaaturanga.

He Pātai	Hei mahi	He tauira
He aha ō mōhiotanga mō Poroumatā?	Whakawhitia he kōrero i waenga i ngā ākonga, ka tuhia ō rātau mōhio mō te hītori; a, he aha ake e hiahia ana kia mōhio, ā, oti ana te mātaki i te kiriata, he aha kua akona e rātau.	He aha ōku mōhio? Nō Ngāti Porou a Poroumatā. Ko Whāene tōna hoa wahine. He uri nō Porourangi. Nonāhea ēnei kōrero? Nō neherā anō. Nō mua rawa! E hia ngā tamahine, tamatāne a Poroumatā me Whāene?
Ki a koe he aha te tikanga o te Mana Motuhake? He aha i kia ai ēnei kōrero ko Te Mana Motuhake o Poroumatā?	Tuhia he mahere, pērā i tēnei, hei hopu i ngā whakaaro mō te mana motuhake me ērā atu momo kupu a-rōpū, takitahi rānei. Mā te pakeke o te ākonga e tohu ki hea haere ai te mahi nei. Heoi anō, ko te pūtake o te mahi, he wetewete mā te ākonga i te kaupapa, i roto i ngā āhuatanga o te kōrero.	<pre> graph TD MM([Mana Motuhake]) --- P([Poroumatā]) MM --- R([Rangatiratanga]) MM --- W([Whenua]) MM --- T([Tūrangawaewae]) MM --- NP([Ngāti Porou]) MM --- NR([Ngāti Ruanuku]) </pre>

He pātai kakama me ngā mahi

Kei raro nei ētahi pātai kakama me ētahi mahi hei whakaaro mā te ākonga a muri i te mātakitanga o ia kiriata.

He Pātai

1. He pēhea te āhua o Poroumatā?
2. He pēhea te āhua o Whāene?
3. E hia a rāua tamariki? He aha ō rātau ingoa?
4. I hea tō rātau kāinga? Nō hea rātau?
5. Mō te aha i patua ai a Poroumatā? I pēhea te patunga i a ia?
6. He aha ngā tauira o te mana motuhake i kitea e koe i roto i ngā kōrero?

Hei Mahi

Whakaaturia te whakapapa o Poroumatā me te hononga o ngā whānau o roto i ia kiriata. Oti atu he kiriata, tapiritia ngā hononga o tērā ki te whānau nei.

Whakaritea e te ākonga he whārangi mō Poroumatā.

Tohua te rohe o Ngāti Porou i runga i te mahere. Tāia he kape mā te ākonga, hei tuhi i ngā wāhi kei ngā kōrero, hei āwhina hoki i a ia kia ruku i ngā hītori ake o te rohe.

Hei Rangahau

He mahi noa mā te ākonga hei whakawhānui i te rangahau kia hohōnu ake te akoranga me te māramatanga ki tēnei hītori.

Ngā Hītori Uiuinga ā-waha

Mā te ākonga tonu e whakahaere, e whakamau ngā uiuinga me ngā kōrero mō Poroumatā. Tautoko ai ēnei mahi i te nui whakaharahara o ngā uiuinga ā-waha. Mā te uiui i ngā tāngata rerekē mō tētahi mahi, kite atu ai ngā ākonga ki te whānuitanga o tēnei hītori. Mā tēnei mahi anō e ako he maha ngā taha o hītori, ētahi e mōhiotia ana, ētahi kāore.

Anei ētahi pātai hei āwhina:

- He aha ō mōhiotanga mō Poroumatā me tōna whānau
- Nō hea tō mōhio ki te kōrero nei.
- Nā wai i whāki ki a koe? I runga anō i te pakeke o te rōpū me te hangarau i whakamahia, i te wātea rānei, ka taea e te ākonga te hanga kiriata poto mā te tango mai i ngā uiuinga ā-waha, ka toha i a rātau rangahau.


KIRIATA 2 – TE MANA WAHINE

Tirohanga Whānui

Te Mana Wahine: koinei te tangi a ngā tamāhine a Poroumatā, a Matoroa, Te Ataakura me Tawhipare, kia ea te mate o tō rātau pāpā mā te ringa tonu o te whānau e whiu, ā, kia rewa ake anō te mana o Poroumatā, o Porourangi ki runga i te whenua. He whakaaturanga anō hoki tēnei i te āhua o te mana; te mana wahine, mana tāne, mana motuhake.

He pātai hei whakaaro iho

Kei raro nei ētahi pātai hei whakaaro, hei torotoro mā te ākonga i mua i te mātakitanga i Te Mana Wahine.

He Pātai	Hei mahi	He tauira
He aha te mana wahine ki a koe. He aha ai i karangatia tēnei kōrero ko Te Mana Wahine? He pēhea ēnei momo wāhine, a Tawhipare, Te Ataakura me Matoroa? Ko wai ngā wāhine o tō whānau he rite ki ēnei, arā he wāhine whai mana?	Tuhia he mahere, pērā i tēnei, hei hopu i ngā whakaaro mō te mana wahine. Mā te pakeke o te ākonga e tohu ki hea haere ai te mahi nei. Ka taea te tāpiri atu, ka puta ai te ākonga i ia kiriata.	

He pātai kakama me ngā mahi

Kei raro nei ētahi pātai hei whakaaro, hei mahi mā te ākonga i muri i te mātakitanga i Te Mana Wahine.

He Pātai

1. I hiahia ngā tamāhine i te aha mō tō rātau pāpā?
2. Ko wai a Tūwhakairiora? He aha tōna whakapapa ki a Poroumatā?
3. Ko wai a Pākānui? He aha tōna whakapapa ki a Poroumatā?
4. I whakarite a Tūwhakairiora me Pākānui mō te pakanga i hea?
5. He aha ngā tauira o te mana wahine i kite koe i roto i te kiriata?

Hei Mahi

1. Hoki ki ngā whakapapa a ngā ākonga, ka whakauru i a Tūwhakairiora me Poroumatā.
2. Tuhia e ngā ākonga o rātau whakaaro mō ēnei momo wāhine.
3. Hoki ki ngā mahere a ngā ākonga, tuhia ngā wāhi i kōrerotia. Kitea atu ana a Kirikiritatangi?

Hei Rangahau

He mahi anō mā te ākonga hei whakawhānui i te rangahau kia hohōnu ake te akoranga me te māramatanga ki tēnei hītori.

He Wai

Putā noa he ruri i Te Mana o Poroumatā ā, ko Karoro te reo karanga. Tā te ruri mahi he tautuhi i ngā wāhi nui ki a Ngāti Porou, ā, mai reira ka uru ki ngā hītori o te rohe. Ko Kirikiritatangi ki Whareponga tētahi o aua wāhi nui, i reira whakarite ai ngā tama toa mō te pakanga.

Ki te pīrangi rangahau anō te ākonga, anei ētahi pātai hei āwhina .

- He aha te tikanga o te kupu Kirikiritatangi?
- He aha ngā tino kōrero mō taua wāhi?

Arā noa atu ngā momo whakaaturanga mā ngā ākonga hei kawē i a rātau mahi mō te kaupapa nei; mā te tuhi ki te whakaahua, mā te tuku ā-waha, a whakaari ki te akomanga, ki te kura, ki te hāpori rānei.

He aha te tikanga o te ruri ki te kōrero? Tērā e hiahia ngā ākonga ki te tito i a rātau ake waiata, haka, whiti.



KIRIATA 3 – NGĀ TAMA TOA

Tirohanga Whānui

Ngā Tama Toa: he kōrero mō Tūwhakairiora, tama a Te Ataakura me Pākānui, tama a Materoa, i tohia rāua hei ngaki i te mate o Poroumatā. Nā rāua i tohu ngā whenua hei noho mā te iwi, e mau tonu ana i nāianeī, otirā hei paihere anō hoki i te whenua ki ngā whakapapa o ngā uri a Porourangi. He whakaaturanga anō tēnei i te āhua o te mana tāne, mana wahine, mana motuhake; whakapapa, tūrangawaewae.

He pātai hei whakaaro iho

Kei raro nei ētahi pātai hei whakaaro, hei torotoro mā te ākonga i mua i te mātakitanga i Ngā Tama Toa.

He Pātai	Hei mahi	He tauira
He aha te mana tāne ki a koe? He momo aha ēnei tāne, a Tūwhakairiora me Pākānui? Whakaaro ai koe mō wai, e mau ana te mana tāne? He aha tēnei momo tāne ki a koe?	Tuhia he mahere hei hopu i ngā whakaaro mō te kaupapa mana tāne. Hei mahinga mā te akomanga, rōpū rānei, takitahi rānei, ā, ka taea te whakatāpiri atu.	
He aha ngā hononga i waenganui i te mana whenua, te mana tāne, te mana wahine. He pēhea te ōrite, he pēhea te rerekētanga.	Nō ngā akoranga ō mua kē ngā mahi ka puta i konei. Tōna tikanga he whakapumau i te kaupapa mana whenua, mana tāne, mana wahine. Nō reira, mahia mai he hoahoa pērā i tēnei, ka tuhi i ō ritenga, rerekētanga rānei i waenganui i nga kaupapa nei.	

He pātai kakama me ngā mahi

Kei raro nei ētahi pātai hei whakaaro, hei mahi mā te ākonga i muri i te mātakitanga i Te Mana Wahine.

He Pātai

1. I muri i te ngakinga o te mate o Poroumatā, ko ēhea whenua i riro i a Te Ataakura ko ana uri?
2. Ko ēhea whenua i riro i a Tawhipare ko ana uri?
3. Ko ēhea whenua i riro i a Materoa ko ana uri?
4. Kite ai koe i te mana tāne i roto i ngā kōrero o te kiriata?
5. Kite ai koe i te mana wahine i roto i ngā korero o te kiriata?

Hei Mahi

- Tuhia he kōrero mō Tūwhakairiora rāua ko Pākānui mai i tōu nā tirohanga.
- Tirohia te mahere a te ākonga i kiriata 1, ā, tohua ngā wāhi i kiia i tēnei kiriata.

Hei Rangahau

Mō te ākonga tēnei wāhanga, koia e hiahia ana ki te rangahau kia pakari ake ai ōna mōhiotanga mō Ngāti Porou.

He Mahere Hītori mō Mapping the history

Tikanga kua kohia e te ākonga te rahi o te rangahau, ā, kua tāpaetia a rātau kitenga mō Poroumatā me kō atu i a Poroumatā

Pinea ki te pakitara o te akomanga he mahere kaitā o te Tai Rāwhiti, te rohe o Ngāti Porou. He tūāpapa tēnei mō te tuku i a rātau mahi ki tā rātau e kite ai .

Me kōrero te kaupapa o te kaitiakitanga, ā, me pēhea te pupuri i a rātau kōrero hei taonga hei tiaki.

USEFUL RESOURCES

<http://maorihistory.tki.org.nz/assets/Uploads/Te-Takanga-o-te-Wa-Te-Reo-Maori.pdf>

<https://teara.govt.nz/en/document/653/the-murder-of-poroumata>

<https://maungakorero.wordpress.com/>

<https://maungakorero.wordpress.com/maunga-korero/issue-9-kokai/te-tawekatang-a-o-te-ngakau-o-poroumata/>

<https://teara.govt.nz/en/ngati-porou>

REFERENCES

Ministry of Education (2007). Te Marautanga o Aotearoa. Wellington: Learning Media.

References Ministry of Education (2015). Te Takanga o te Wā – Māori History: Guidelines for Years 1–8. CORE Education.

Ministry of Education (2008). Approaches to Social Inquiry. Building Conceptual Understandings in the Social Sciences Series. Wellington: Learning Media.

Ministry of Education (2013). Ka Hikitia – Managing for Success: The Māori Education Strategy 2013–2017. Wellington: Ministry of Education.

Aitken, G. & Sinnema, C. (2008). Effective Pedagogy in Social Sciences/Tikanga ā Iwi: Best evid